



Administrativna komisija

Broj: 04-GV-02-540/23
Sarajevo, 31.03.2023. godine

ZAPISNIK O RADU
41. SJEDNICE ADMINISTRATIVNE KOMISIJE
održane 31.03.2023. godine

Prisutni:

1. Jasmin Ademović, predsjedavajući
2. Alen Girt, član
3. Toni Vukadin, član
4. Drago Jurić, član
5. Dragan Stevanović, član
6. Vedad Deljković, član
7. Bajro Biber, član

Sjednici iz Stručne službe za poslove Gradskog vijeća Grada Sarajeva prisustvuju:

- Mirjana Đanović Stanić, rukovodilac Stručne službe za poslove Gradskog vijeća Grada Sarajeva,
- Mila Eminović, sekretar Gradskog vijeća

Sjednici prisustvovao Admir Jusufbegović, pravobranioac Pravobranilaštva Grada Sarajeva

Sjednici po ovlaštenju Gradonačelnice prisustvuju:

- Aida Bajramović, rukovodilac stručne službe Gradonačelnice
- Dženana Šarčević, Služba za opću upravu

Predsjedavajući komisije je otvorio sjednicu u 14.10 sati, pozdravio prisutne, utvrdio kvorum za punovažan rad i odlučivanje.

Predsjedavajući komisije je upoznao članove da su u prijedlog dnevnog reda naknadno dodate tačke:

- Donošenje Pravilnika o reprezentaciji i poklonima za imenovane funkcionere u Gradu Sarajevu
- Donošenje Pravilnika o ostvarivanju prava na plaćene troškove službene komunikacije korištenja mobilnih telekom usluga za imenovane funkcionere u Gradu Sarajevu, Pravobranioca i zamjenike pravobranioca Pravobranilaštva Grada Sarajeva

Sjednica je započela razmatranjem i jednoglasnim svajanjem Zapisnika o radu 40. sjednice Administrativne komisije Gradskog vijeća Grada Sarajeva održane 16.03.2023. godine.



Na prijedlog Predsjedavajućeg, Administrativna komisija je jednoglasno usvojila sljedeći **dnevni red**:

1. Donošenje Pravilnika o reprezentaciji i poklonima za imenovane funkcionere u Gradu Sarajevu
2. Donošenje Pravilnika o ostvarivanju prava na plaćene troškove službene komunikacije korištenja mobilnih telekom usluga za imenovane funkcionere u Gradu Sarajevu, Pravobranioca i zamjenike pravobranioca Pravobranilaštva Grada Sarajeva
3. Donošenje Rješenja o utvrđivanju prava na naknadu za troškove prijevoza na posao i sa posla u visini mjesečne karte gradskog saobraćaja (*Admir Jusufbegović*)
4. Donošenje Rješenja o utvrđivanju prava na naknadu za troškove prijevoza na posao i sa posla u visini mjesečne karte gradskog saobraćaja (*Sanjin Smajlović*)
5. Donošenje Rješenja o utvrđivanju prava na naknadu za troškove prijevoza na posao i sa posla u visini mjesečne karte gradskog saobraćaja (*Besim Musakadić*)
6. Donošenje Rješenja o korištenju drugog dijela godišnjeg odmora za 2022. godinu – Jasmin Ademović
7. Razmatranje Nacrta Sporazuma o predaji u posjed nekretnine – objekat Upravne zgrade DPO
8. Tekuća pitanja

TAČKA 1.

Donošenje Pravilnika o reprezentaciji i poklonima za imenovane funkcionere u Gradu Sarajevu

Poslije rasprave u kojoj su učestvovali članovi Komisije, te sažetka Predsjedavajućeg, Administrativna komisija je jednoglasno donijela
- Pravilnik o reprezentaciji i poklonima za imenovane funkcionere u Gradu Sarajevu koji je u prilogu ovog akta.

TAČKA 2.

Donošenje Pravilnika o ostvarivanju prava na plaćene troškove službene komunikacije korištenja mobilnih telekom usluga za imenovane funkcionere u Gradu Sarajevu

Poslije rasprave u kojoj su učestvovali članovi Komisije, te sažetka Predsjedavajućeg, Administrativna komisija je jednoglasno donijela
- Pravilnik o ostvarivanju prava na plaćene troškove službene komunikacije korištenja mobilnih telekom usluga za imenovane funkcionere u Gradu Sarajevu koji je u prilogu ovog akta.

TAČKA 3.

*Donošenje Rješenja o utvrđivanju prava na naknadu za troškove prijevoza na posao i sa posla u visini mjesečne karte gradskog saobraćaja (*Admir Jusufbegović*)*

Poslije rasprave u kojoj su učestvovali članovi Komisije, te sažetka Predsjedavajućeg, Administrativna komisija je jednoglasno donijela
- Rješenje o utvrđivanju prava na naknadu za troškove prijevoza na posao i sa posla u visini mjesečne karte gradskog saobraćaja (*Admir Jusufbegović*) koje je u prilogu ovog akta.

TAČKA 4.

Donošenje Rješenja o utvrđivanju prava na naknadu za troškove prijevoza na posao i sa posla u visini mjesečne karte gradskog saobraćaja (Besim Musakadić)

Poslije rasprave u kojoj su učestvovali članovi Komisije, te sažetka Predsjedavajućeg, Administrativna komisija je jednoglasno donijela

- Rješenje o utvrđivanju prava na naknadu za troškove prijevoza na posao i sa posla u visini mjesečne karte gradskog saobraćaja (Besim Musakadić) koje je u prilogu ovog akta.

TAČKA 5.

Donošenje Rješenja o utvrđivanju prava na naknadu za troškove prijevoza na posao i sa posla u visini mjesečne karte gradskog saobraćaja (Sanjin Smajlović)

Poslije rasprave u kojoj su učestvovali članovi Komisije, te sažetka Predsjedavajućeg, Administrativna komisija je jednoglasno usvojila sljedeće **zaključke**:

1. Administrativna komisija na osnovu priložene dokumentacije, nije mogla jasno utvrditi osnovanost zahtjeva Sanjina Smajlovića, zamjenika pravobranioca Grada Sarajeva za naknadu troškova prijevoza na posao i sa posla a u vezi sa udaljenosti adrese stanovanja i adrese rada.
2. Administrativna komisija prosljeđuje dokumentaciju Gradonačelnici da zaduži Komisiju za utvrđivanje osnovanosti zahtjeva za naknadu troškova prijevoza na posao i sa posla imenovana Rješenjem Gradonačelnice, broj: 01/04-30-2506/23 od 06.03.2023. godine, da izvrši mjerenje predmetne udaljenosti na način kako je to urađeno za državne službenike i namještenike i o rezultatima izvijesti Administrativnu komisiju.

Član Komisije Bajro Biber se priključio radu sjednice.

TAČKA 6.

Donošenje Rješenja o korištenju drugog dijela godišnjeg odmora za 2022. godinu – Jasmin Ademović

Poslije rasprave u kojoj su učestvovali članovi Komisije, te sažetka Predsjedavajućeg, Administrativna komisija je jednoglasno donijela

- Rješenje o korištenju drugog dijela godišnjeg odmora za 2022. godinu – Jasmin Ademović koji je u prilogu ovog akta.

- Administrativna komisija zaključuje da će predsjedavajući Gradskog vijeća Jasmin Ademović biti u obavezi prekinuti godišnji odmor zbog održavanja aprilske sjednice Gradskog vijeća, ukoliko sjednica bude zakazana u vrijeme godišnjeg odmora, a godišnji odmor će nastaviti po održavanju sjednice.

TAČKA 7.

Razmatranje Nacrta Sporazuma o predaji u posjed nekretnine – objekat Upravne zgrade DPO

Poslije rasprave u kojoj su učestvovali članovi Komisije, te sažetka Predsjedavajućeg, Administrativna komisija je jednoglasno usvojila sljedeći **zaključak**:

1. Administrativna komisija je razmotrila radni materijal za izradu Sporazuma o predaji u posjed nekretnine – objekat Upravne zgrade DPO.
2. Administrativna komisija konstatuje da se razmatranim radnim materijalom za izradu sporazuma predlaže vraćanje u posjed prostorija koje je Grad imao u zgradi DPO, sada Upravnoj zgradi organa Grada Sarajeva, prije primopredaje evidentirane zapisnikom od 24.02.2021. godine, a svima je poznata činjenica da je broj državnih službenika i namještenika u Gradu Sarajevu značajno veći nego što je to tada bilo, te je potrebno zatražiti posjed i drugih prostorija, a u skladu sa potrebama poslova koje vrše organi Grada Sarajeva.
3. Administrativna komisija je stava da sporazumom treba biti obuhvaćeno i rješavanje međusobnih odnosa u zgradi na adresi Maršala Tita 62 (Vječna vatra), najmanje tako da se jednim članom ovog sporazuma, sporazumne strane obavežu da će se o tome sklopiti poseban ugovor.
4. Ugovorne strane u ovom sporazumu trebaju biti samo Grad Sarajevo i Vlada Federacije Bosne i Hercegovine a u slučaju postizanja sporazuma zapisnik o primopredaji ponovo može potpisati Služba za zajedničke poslove organa i tijela Federacije BiH kao što je to i ranije bio slučaj.
5. Administrativna komisija je razmotrila i prijedlog Gradonačelnice za buduće korištenje prostorija za potrebe organa, organa uprave i drugih tijela Grada Sarajeva i konstatuje sljedeće:
 - predloženim rješenjem nije obuhvaćen prostor na prvom spratu sa Ovalnom salom i Malom salom koje su opremljene i prilagođene radu Gradskog vijeća i radnih tijela Gradskog vijeća sa pratećim prostorijama prilagođenim potrebama poslova za Gradsko vijeće;
 - predlaže se izmiještanje Kabineta predsjedavajućeg i zamjenika predsjedavajućeg Gradskog vijeća u prostor na drugom spratu iznad Ovalne sale, što je prihvatljivo rješenje, ali tako da kompletan prostor na prvom spratu koji sada koristi Grad Sarajevo bude prostor namjenjen radu Gradskog vijeća;
 - predlaže se da se prostor na drugom spratu koji sada koristi Federacija BiH u cijelosti organizira za smještaj administracije Grada Sarajeva što je također prihvatljivo ali tako da se prostor koristi za službe za upravu, budući da prostor koje su ove službe ranije koristile na trećem i četvrtom spratu te mezaninu nije bio ni tada dostatan a pogotovo neće biti sada kada je broj uposlenih povećan i kada se očekuje i dalje proširenje gradske administracije radi preuzimanja novih nadležnosti iz Statuta Grada Sarajeva.
6. Administrativna komisija traži od Gradonačelnice da ponovo preispita predloženi raspored i predloži novi u skladu s primjedbama te ga dostavi Pravobranilaštvu kako bi pripremila novi sporazum u kome će se tražiti uvođenje u posjed Grada Sarajeva u prostorije u skladu s potrebama Grada Sarajeva a ne kako je to ranije bilo.

TAČKA 8.
Tekuća pitanja

Pod ovom tačkom dnevnog reda nije bilo zaključaka.

PREDSJEDAVAJUĆI KOMISIJE

Jasmin Ademović, s.r.

Zamjenik predsjedavajućeg Komisije je u 14.30 sati zaključio rad 41. sjednice Administrativne komisije Gradskog vijeća Grada Sarajeva.